

Chol moaison

Adaptation : Jean-Marie François

Sur l'air de « La maison près de la Fontaine » de Nino Ferrer

Chol moaison tout preu d'chol capelle

Rimplie ed tchotes seuris

Qui couroit't din ch'guernier

Al sintoait boin l'greuseille

Pi l'pain d'épiche

Et l'mudjet fanè.

Chl'aprèzeut

Chl'éfance

Chl'éternité...

Autour y avoait l'silince

Chés wèpes et pi chés nids d'moénieux

Nous oz alloème à l'pèque

Aux épinoques avec Monsieu l'tchurè

O nos boaignoème tout nus, tout noèrs

Avec chés tchotes nazuses pi chés canèrds.

Chol moaison preu d'chés HLM

O foait plache à chl'usine

Pi à ch'supermartché

Chés abes z'ont tè copès, pi cha sint

Chl'hydrogène sulfurè...

Chl'essence

La djerre

El société...

Ch'n'est point si mal

Pi ch'est normal

Vu qu'ch'est l'progrès...